

تاریخ عثمانی انجمنی

۱ حزيران

۱۳۳۳

سکزیغیت

نومرو ۴۴

مجموعه سی

طغرای همایون

(یکم نسخہ دن مابعد)

دول اجنبیہ آرمہ نرہ لره وضع ایدیلورسہ طغرامزده پادشاہلریمزہ
مخصوص سنجاغہ فرمان، برات، تذکرہ عثمانیہ وسندات خاقانیہ، سکہ
وابنیہ امیریہ قبولری اوزرینہ، پوست بوللرینہ، والحاصل آرمہ قولنسی ایجاب
ایدن محملک جہلہ قونلقده در . الا آن فرمانلرک بالاسندہ کی طغرانک
زیرینہ یازیلان برسطر یازینک ایلک جہلہ سی ، نشان شریف عالیشان
سامی مکان سلطانی ، درکہ طغرانک اصل اسمک (نشان) اولدیفنی
معلندر . نشان کلہسی لسان رسیدہ فرمان ویرلیفہ علم اولشدر .
چونکہ بالالری (نشان) ایلہ مزیندر [۱] . طغرانک آرمہ یینی نشان
اولدیفنہ دائر ویریلان ایضاحات مقننہ یی کافی عدا یتجوبدہ بر مثال کوسترملک
صورتیلدہ تأمینات ارایانلرہ (تاریخ انجمنی) مجموعہ سنک اوتوز بش
نومرولی جزئندہ مندرج وثیقہ مدنیہ و سیاسیہ یی ارانہ ایلم .
مذکور وثیقہ نکل خلاصہ مفادی : ، راغوزہ دن عائدات جزئیہ لرینی
آلہ میان آینہ روزدہ کی صرب مناسرتی رهباننک شکایت ایلک اوزرہ
دربار شوکتقرارہ کملرندن پادشاہک معلوماتی یوقدر . چونکہ حضورہ
شاہانہ یہ کیرمہ لرینہ مساعدہ ایتمد . بو عائداتی متداخلیلہ برابر تادیہ
ایدیکز . تکرار شکایتہ کلہ جک اولور لره آلیقونلاملری مقرر در . هر وجهلہ
موجب اطمنان اولوق اوزرہ سز دوستلریہ بندہ صادق رادیجی اعزام
ایلدم . بومادہ حقندہ مرہ نسویلرہ اعتماد ایدہ سکز . عینیلہ بزم سوز مزدرہ
دن عبارتدر . اسلاولسانیلہ یازلش اولان مذکور مکتوب عادی مکاتبین

[۱] لہجہ عثمانی تخان کلہنہ

اولیوب (مکتوب سامی) اولدیغه علامت اوله رق بالاسی صولطرفنه برطغرا کشیده ایدلمشدر . چونکه طغرا عثمانلی دولتی نشانیدر . پادشاهک معلوماتی اولدیغی بیلدیریلان برمادهیه دائر رسمی برمکتوبه انک ایچون قوتلشددر . آرمه سی بولنمیان برمکتوبه اعتماد ایله رادیحک سوبله جکلرینه اینانیله مزدی . شو وثیقه دن اکلایه بیلدیکم مواددن بری وقیله راغوزه لیلره احسان بیوریلان فرمانکده اسلاولسانیه یازلمش اوله جنی ووقه سابقه دنبرو مذکور جمهوریتله تعاطی ایدیلاں رسمی اوراقک طغرا ایله موشج بولنمیشدر .

ایسته هاعمر راغوره تاریخک یا کلیش قید ایلدیکی بروقه یی کندی تاریخنه عیناً آلمش وبوسیلله پک سوکیلی برپادشاهمز حقنده ناججا اسانده بولنق خطاسنه دوشمشدر . وقه سالف الیاندن صکره طغرانک الزمیتی تصدیق اوله رق سکه سنیه لرنده مسکوک اولان (مراد بن اورخان) کله لرینی متضمن اولق اوزره برعلامت مخصوصه نک ترتیب وتشکیلی ارباب خطدن بر ذاته حواله بیوریلور .

اورخان
مراد بن

نومرو
۱

خطاط شکلده، کورلدیکی اوزره، اسملری بری بری اوزرینه یازدقدن صکره ایکی سطر ایمش کبی کورنغامسی نام اورخانده کی ایکی الف حرقک یوقاری طوغری اوزانوب قالماسی بونکله برابر تقلیدی مشکل، کورونشی خوش، فقط عظمتلی اولسی ملاحظه لرینه مبنی صوک (نون) حرفلرینی بیضی واری چوروب مذکور الفلری قطع ایتدیره رک اساس شکله دسترس اولدقدن صکره استیف قاعده سی اوزرینه زیرده کوستریلان برنشان پادشاهی بی چقارر .

نومرو
۲

ایشته پادشاهلرمزك ایلک طفرای و دولت عثمانیه لرینك ایلک
آرمه نی بودر .

شو تفصیلاتی ویرمکده کی غایه، طفرانك نیچه شکندن دکل، (مراد
بن اورخان) ده کی (ن) حرفلرینك بویله ظریف بر هیئت تشکینه
استعدادی و خطاطك صنعتده کی مهارتی سبیلرله حصوله ککش اولدیغی
لایقيله آکلاتمقدور.

ایلک طفرانك شکلی و محتویاتی کوستردیکمز و یازدیغمز وجهله در .
موثوقیتنی دلیل جلی و برهان مادی ایله اثباته مقتدرز .

معلوم اولدینی اوزره سکه لره پدرینك اسخیده یازدیرمق سلطان
مراد خان اول حضرتلرینك وضع بیوردقلری بر اصولدر. احفادعظامی
سلطان مشارالیهك شو اصول متحتنه تبعاً سکه لرینه ایوم پدرلرینك
اسلرینخیده یازدیرمقده درلر . موزة هایونده محفوظ مسکوکات عثمانیه
بو روایتك صحته شاهد صادقدرلر .

بونک کی، خداوندکار مشارالیه عهدنده احداث ایدیلان طفرالریخیده
احفاد جلیله لری عین صورته قبول ایتدکلی کوریلپور، و بوندن صکره
دخی الی ماشاء کوريله جکدر .

برهان مادی اوله رق زیره ایکی طفرانك عینی وضع ایدیورز :

نومرو
۴نومرو
۳

بو طغرالر سلطان مراد خان حضرتلرینک طورونلرینکدر. بوایکی طغرانک بولندینی سکلر موزہ هایونده محفوظدر .


(۳) نومرولیسی روم ایلنه ادرنه دن حکم ایدن سلیمان شاه بن سلطان بایزیدکدر . طغراده « امیر سلیمان بن بایزید » محرردر. موزہ قتالوغنده (۷۵) نومروده کوشلشدر .

(۴) نومرولیسی آناطولیہ بروسدن حکم ایدن چلبی سلطان محمد خانکدر . بو طغرالی سکسی ایام فترده ضرب اولمش مسکوکاندندر . محتویاتی « سلطان محمد بن بایزید » در . موزہ قتالوغنده (۹۷) نومروده اراۃ ایدلشدر [۱] .

کوردیلورکه هرایکیسده بیوک بابالری طغرانک عین رسم و شکلنده در. حتی دقت ایدیلورسه کوریلہ جکی اوزره بو طغرالرده بایزید اسمک (ز) حرفی ایچ بیضی یی قطع ایتشلردر . چونکه جدلرینک طغرالرنده اورخانک (ر) حرفی عین صورته مذکور بیضی یی قطع ایدر صورته در .

و کذا چلبی سلطان محمد خان « سلطان » عنواتی برادر اکرملریله آراالرنده متکون سلطنت و تفوق دعواندن طولایی برادرلری طغرانده کی (امیر) صفتہ مقابل اوله رق کندی طغرانه کچیرتمکدن زیاده جدلرینک طغرانه بکزتمک مقصدیله علاوه ایتدیرمشلردر . یالکیز بو طغراده کی بیضی قسمی تشکیل ایدن (نون) حرفلرینک اوچلری دیکرلری کبی مقطوع براقلیوب حسن صورته برلشدیرلشدرکه زیره وضع ایدیلان سلطان مرادخان ثانی طغرالرنده کوریلہ جکی اوزره بوده چلبی سلطان محمد خاندن توارث ایتمش بر اصول دیکردر .

[۱] موزہ هایون مسکوکات عثمانیہ قتالوغی ، برنجی جلد



بوابی طغرا ده (نون) حرقك بری نقصان اولسی حبيله (ابن)
 كهنك (الف) حرفی ایچ بیضیری تشکیل ایلشردر . بوسورتله
 طغرالر محتویاتی « مراد ابن محمد خان » اولسی ایجاب ایدر .
 (۵) نومرولی طغرا موزه هایون قتالوغنده (۲۱۳) و (۶)
 نومرولسی (۱۳۸) نومرولرده تفصیل ایدلشدر .^(۱)
 بورایه قدر وریلان تفصیلاتدن شو نتیجه استخراج ایدله بیلیرکه :
 خداوندکار غازی طغراسی بزم کوستردیکمز شکلده در . حفیدلرندن
 ایکیسی جدلرینک طغرا نه بکزر طغرالر تشکیل ایشلردر . اگر
 جدلرینک طغراسی اوردنک اتخاذا اتمه لردی اوره لرنده کی تفوق دعواسندن
 طولای برینک طغراسنک شکلی دیکرینککنه بکزه مبهجک ایدی .
 وکذا هاهمه رك ادعاسی کبی طغرا شکلی نیجه سلطان مراد خانیدن
 مأخوذ اولسه بدی بورایه قدر رسم ایلدیکمز طغرالرده باش پارمنی
 کوستر بر علامت ویا حرف اولوردی . حالبوکه هیچ برنده یوقدر . کذلک
 جمله طغرالرک وسط علیاسنده اوج پارمنی کوستر اوج الف لام بولنق
 لازمکلردی . شکلرده کوردیله جکی اوزره خداوندکار غازی طغراسنده
 (۲) و امیر سلیمان شاه طغراسنده (۳) فقط چلبی سلطان محمد خانک
 طغراسنده (۴) الف لام واردر . بوتد قیقندن ده آکلاشلیورکه زمانمزه
 کوردیکمز کبی هر طغرانک وسط علیاسنده کی اوج الف لاملر مثللو
 قدیم طغرالرده سیاناً اوج الف لام یوقدر . امیر سلیمان شاهک طغرالونده
 اوج الف لام اولسی طغرای تشکیل ایدن کله لرك ایجابیدر .

[۱] موزه هایون مکوکان عثمانیه قتالوغی ، برنجی جلدنده

ایسته هاهمه، قدیم طفرالر شکلی زماننده کیله قیاس ایدرک طفررا شکلی سلطان مراد خان اول حضرتلرینک راغوزه فرماننه باصدینی بجه شکله بکزنمه سی و او یله حکم ایله سی سبيله ایکنجی دفعه اوله رق بردها خطایه دوشمدر .

آنقره وقعه سندن صکره ادرنده حکومت ایدن سلیمان شاه حضرتلری (۸۰۶) سنه سی ایلك دفعه اوله رق طفرالرینی کوش و باقر سکلرینه قویدرمش و خاتمه حکومتلرینه قدر ضرب ایتدیرمش اولدقلری سکلرینک کافه سی شکل مزبور ایله تزین قلمشدر . ایوم موجودی نادر اولیان مذکور سکلرک زماننده کثرتی شکل مذکوری احفاده انتقال و عمومه اعلامه واسطه خیریه اولدیفنی ایلك ابتدا رقیب حکومتی اولان برادری چلبی سلطان محمدخانک برماقرینه اولسون طفررا شکلی کجیرتمکه وسیله اولسيله ثابتدر .

خطاطین، خداوندکار سلطان مرادخان حضرتلرینک طفرالرنده کی ایکی الفی آزه چلبی سلطان محمدخانک طفرالرنده کی دوت الف لامی چوق کوره رک وسطی اولان امیرسلیمان حضرتلرینک طفرالری ذوق خطاطینه موافق بولدیغنی بحق تقدیر ایدوب انی سر مشق اتخاذ ایتشلردر. ایسته طفرالرک قسم علیانده کی اوج الف لازم بوصورت وسیله تقرر و تعین ایشدر .

فاتح سلطان محمد خانک اوراق اوزرنده کشیده ایدلش طفرالرینی کوردم؛ فقط مسکوکاتندن (۸۶۱) تاریخلی ادرنده مضروب برسکه سی اوزرنده طفررا واری یازلشک عیننی زیره نقل ایلدم .

مراد
محمد

نوسرو
۷

بو طفرانک محتویاتی و محمد بن مراد ۸۶۱ ، دن عیارندر موزد

هایون مسکوکات عثمانیه قالوغنک برنجی جلده (۲۹۴) نومروده کوسترلشدر. سلطان بایزید خان ثانی حضرتلرینک سکه لری اوزرنده طغراری هنوز کورلامشدر. مشارالیه عائد بر طغرا تاریخ عثمانی انجمنی مجموعه سنده کوریلور [۱].

مذکور طغرا حقنه انجمنجه ، بو طغرا ایله مشارالیه عائد اولوب فطوغرافیسی موزه هایونلر مدیر عمومی خلیل بك اقدی تزدنده کوریلان مثلا کورانی وقفیهی و سرای بوسنده طبع و نشر اولتان Glasnik نامده کی رساله موقوتده مندرج اولان اسلاوجه و تورکجه فرمانلر بالالرنده اولان طغرالر بربرینک عینی اولیوب یکدیگرکندن فرقلیدر. اده لرنده انجمنی بر درجهیه قدر مشاهت بوله ییلیر. دینلمکده در. شو ایضا حادتن آکلاشیله جفی اوزره قدیم طغرالر زمانمژده کی طغرالر مثللو دائما بر ترتیب کلاتده بولمیب متحولدرلر. بویه تبدله مسکوکات اوزرنده دخی تصادف ایدیلور. بو مقاله یه سلطان مراد خان ثانی حضرتلرینک ایکی نوع طغرالرینک عینی قولشیدی. حالبوکه موزه هایون مسکوکات عثمانیه قالوغنده ایکی درلوسی دها کورلمکده در. عهد قریبده ییله بر پادشاهک طغراسی ترتینده دیکشکلک کوریلور. مثلا سلطان عبدالحمیدخان اول حضرتلرینک التون و سائر سکه لرنده طغرا ایوم اریکه پیرای شوکت و شان اولان پادشاهز اقدمز حضرتلرینک طغرای غرای هایونلرنده کی کله ترتیبی مثللو عبدالحمید بن احمد المظفرا دایما ، ترتینده اولدینی حالده برغرو شلق سکه لرنده کی طغرا ، عبدالحمید بن احمد المظفرا دایما ، صورتنده مرتبدر [۲]. شوقصیلاتدن مسکوکات اوزرنده عین پادشاهه عائد بعض طغرالرک یکدیگرینه بکزمه مدیکی مثللو ترکیجه یازلش فرمان و براتلر طغراسی ده


[۱] انجمن مجموعه سنک جزء ۳۰ ، صحیفه ۶۸۹

[۲] تقویم مسکوکات عثمانیه ده صحیفه ۳۲۶ ، سکه نومروسی ۸۴۶

اجنبی لسان ایله تحریر ایدلشترینه ترتیب کلامجه مطابق اولدقلری وهیچ
شبهه سز اوراق سیاهی خفیه به کشیده ایدلشترین ده بونلردن بستیون آیری
ترتیده بولنه جقلری، آره لرنده انجق سکلأ مشابیهت قاله جنی والحاصل
طفرالر ایجون نشان قلمنجه متخذ بر اصولک موجودیتی اکلاشلمقده در.
فاتح سلطان محمد خان ایله سلطان بایزید خان ثانی حضرت تارینک فرمان
وبراتلر بالارینه کشیده ایدیه جک طفرالرینه یازلسی لازمکلان اسامینک
نهایتده (ن) حرفی بولنیوب یالکز (بن) کلمسی بویه بر حرفه منتهی
اولدیندن طفرالرینک صول جهتده سلاطین سالفه طفرالرنده کورلدیکی
مثلو چفته بیضی تشکیل ایدیه میوب یالکز بر بیضی چورلمش وبونلرک
اوجلری امتداد لیجه اوزادلش اولدینی ظن ایدیلور. وکذا الف ولام
حرفلری ده نقصان بولمنسی سیله مذکور بیضینک اوستنی قابلوینه صیرتی
شکلندن قور تارمق وامیر سلیمان طفراسنه بکرتیمک ایجون اوجر عدد
مختصر ریتلر قولش اولدینی مأمولدر.

...

تمنا صورتیه وزنه مخصوص بر درهم اوزرنده کوریلان سلطان سلیم
خان اول حضرت تارینک طفرالرینی عیناً زیره کشیده ایدلشدر.



نومرو
۸

بو طفراده « سلیم شاه بن بایزید خان المظفر دائماً » عبارته سی محرردر.
المظفر دائماً وصفی ایلک دفعه اوله رق سلطان مشارالیهک طفراسنده
کوریلور. هاعمر بو وصفک خداوندکار طفراسنده موجود اولدینی تخیل

ایله اوچنجی دفعه اولق اوزره برخطایه دها دوشمشدر. یاوزسلطان سلیم خانک فتوحات جلیله لری بویله بروصفک طفرالرینه کچمنه بادی اولدینی شبه سزدر. بو طفرای غرا ایوم کشیده ایدیلان طفرای هایونلرده کی کلمات وانلرک رسم وترتینک مبدأیدر. نام شاهانه لرینه شاه، پدرلری اسم شریفه خان عنوانک علاوه سی وبونلرک اوزرینه المظفر دائماً و صفک کچیرلسی طفرالرده هیئت قدیمه نک ازدیادینی موجب اوله رق غایت یجملی و یک کوسترشی، بونکه برار مهیب وعظمتلی برطغرا تشکیل ایشدر. وصف مذکورک حاوی اولدینی الف لام حرفلری ایوم طفرالرده وسط علیانک سهولت تزینته خادم اولقدهدر. مزبور الف لاملرک اوجلرینه فلاندره کی قونیان زینت بو طفراده دخی کورلمکدهدر. مسکوکات عثمانیه اوزرنده کی طفرالرک بمضیلرنده (المظفر دائماً) نک (دائماً) کله سی (صحاً) صورتنده یازلسنک سببی ایلک دفعه بو طفراده اوپله یازلش اولسندن ایرو کیشدر. وکذا بو طفراده یازید اسنک دال حرفیله ایچ بیضی تشکیل ایشدرکه بوده ایلک دفعه بو طفراده کوریلور.

سلطان مراد خان ثالث عهدنده طغرا حلب و آمد کی بلادبعیدهده ضرب ایدیلان ودرهم تسیمه ایدیلان کموش سکه لر اوزرنده تکرار کورلمک باشلامشدر. فقط سلطان مشار الیهک مذکور ایکی بلده درهملرنده مسکوک طفرالری طرز قدیمک غیری اولدینی زیره وضع ایدیلان عیتدن آکلاشیلور :



بوطغراہ « سلطان مراد بن سلیم خان » عبارہ سی محرردر [۱]
بوتریب کلاتی حاوی طغرالرک مبدائی قنئی پادشاہ عہدینہ مصادف
بولندینی بنم ایچون معلوم دکلدرد .

چونکہ طغرا سلطان بایزید خان ثانیدن سلطان مراد خان ثالث
زمانہ دکن مسکوکات عثمانیہ اوزرینہ قونلامش وبلکہ قولشدردہ
الیمزہ کچمہ مشدر . فقط طغرانک مسکوکات اوزرندہ تکرار ظهور
ایدیورمسی یکی ترتیب کلاتی طغرانک سلطان مراد خان ثالث حضرتلری
زمانندن ابتدا ایلدیکی ظنی تولید ایلکدہ در . مشار الیہ زمانندن اعتباراً
باشلایان ترتیب جدید طغرالر سلطان سلیمان خان ثانی عہدینہ یعنی
(۹۸۲ دن ۱۰۹۹) سنہ قدر ضرب ایدلش مسکوکاتدہ کوریلور .



نومرو
۱۰

سلطان سلیمان خان ثانی حضرتلری زمانندہ مسکوکاتجہ اجرا بیوریلان
اصلاحات میانندہ الیوم طغرالرمزدہ کوریلان سلطان سلیم خان اول
حضرتلرینک شکل طغرالریدہ قبول ایدیلوب انجیق القاب وعنوان
یازلما مشدر . بوطغراہ « سلطان سلیم بن ابراہیم المظفر دائماً » محرردر [۲] .
طغرانک صول جہتدہ کی چفتہ بیضیلری تشکیل ایدن (نون)
حرفلری اوچلرینک حسن صورتلہ برلشدیرلمسی اصولی چلی سلطان

[۱] بوطغرا تقوم مسکوکات عثمانیہ ۳۷۹ نومرولی حلبدہ مضروب
درہمدن النمدرد . (آمد) دہ ضرب ایدلشدی . موزة ہایون مسکوکات عثمانیہ
قتالوغندہ ۱۲۰۹ نومرودہ در .

[۲] غالبک — تقوم مسکوکات عثمانیہ ، ص ۲۲۸ ، سکہ نومروسی ۵۶۶

محمدخان طغرا سندن باشلامشدی . بو طغرا ده ارتق برلشدرلیه رك اليوم طغرای هایونلرده کوردلیکی اوزره طغرانك صاغ جهته امتدادلیجه صورتده کشیده ایدلمشدرکه طغرا خطاطلری بیتده (طغرانك قوللری) اسمبله مسادر .

تاریخ نویس هانمر مذکور قوللری ابتدائی طغرالرده دخی موجود ظن ایدرك خیالی تشکیل ایتدیکی سلطان مرادخان اول طغرا سنده قسم مزبورى سلطان مشار الیهك باش پارمنی نشانه سنی عد ایلشدر . بوده مورخك دردنجی خطاسیدر . بونلردن بشقه قدیم طغرالرك وسط علیا سنده کی اوج الف لاملرك باشلرینه تموج ایدن فلاندره شکلری قونیلوردی . بو طغرا ده فلاندره شکلی اسکی عثمانلی قلیجی کی اکرى برشکه ارجاع ایدیلرک بالا یه مرسوم طغرا ده ومکوکات سنیه حضرت بادشاهی طغرای هایونلرنده کوردلیکی اوزره الفرك آره سنده حامیلی صورتده رسم ایدلمک باشلامشدر . اشکال مذکورده زینت اولدندن بشقه طغرا داخلنده کی کلماتدن الف حرفلیرک الفی مقامنه قائم طوتیلور . مثلاً باشد کی قلیج واری شکل (المظفر) کلمه سنده کی الف حرفی در .

والحاصل هانمرک طغرای هایون حقنده کی روایاتندن مقارن حقیقت اولان قسمی (۷۶۷) سنه سی راغوزه جمهوریتنه حمایه فرمانی احسان بیورلسی وبو وسیله ایله شکل طغرانك احداث ایدلمش اولسندن عبارتدر . اسکی مورخلر مزدن هیچ برینك قید وضبط ایتدیکی بوا یکی وقعه یی مورخ مومی الیهك یازدینى تاریخندن اوکره نیورز . هرا یکی وقعه ده خداوندکار غازی بی رحمتله یاد ایتدیره جک معالیدر . سلطان مشار الیه دعا خوان اوله مزه یکیدن وسیله تیه ایلدیکندن طولایى موشو هانمره مدیون شکراتر .

کله لم احمد مدحت اقدی مرحومك روایتته :

اقدی حضرتلری دولت علیه عثمانیه نك آورو با قطعه سنده موجب

استقراری اولان قوصوہ ملحمہ کبراسنی قزانوب بواوغورده شهید اولان سلطان مراد خان اول حضرتلری کبی بر پادشاه ظفر پناهمزه هاهمدرک تار یخنده (امی) لك اسناد ایلنه حسب الحیه طیاته میوب بتون قوه قلمیه سیله قدرت علمیه سی بوااسنادک ردینه حصر ایلشدر . بوخصوصک ویردیکی عضیلک ایله طغرای هابونک نیجه مراد خانیدن آلتش برشکل اولدیقه اعتماد ایتیموب لهجه عثمانیده محرر طغرا کله شک ایضاحی دلالتیله اوغوز خاقانک نشانی اولان طغری دیتلان بر قارتال قوشندن مأخوذ بولدینی زعمی ایما ایدر صورتده اداره لسان ایلش وبوکا اینامش کبی کورونمشدر . بوسیله اقدی مرحوم بزی ایکی ماده نك تدقیقه سوق ایلشدر : (۱) اوغوز خانک نشانی قارتالیدر ، دکلیدر . (۲) طغرامن اوغوزخان نشانک عینیدر ، غیریمیدر ؛ معلوم اولدینی اوزره (تورک) قومی تشکیل ایدن یکریمی قیله دن بریسیده (اوغوز) قیله سیدر . مذکور قیله یکریمی درت عشرت جیمه بی حاوی اولوب هر برینک آیری وخصوصی تمنا یعنی نشانلری واردر . بونشانلر اینجده ذی روح نقشی بولمز . یا برر کله نك ایلک حرفلیدر یاخود اویدر مه شکلردر . هر درت عشرت برخانلقدر . بوحالده یکریمی درت آلتی خان طرفندن اداره اولنور دیمک اولور . هر خانک بر (اونفون) یعنی مقدس طائمش برقوشی واردر که بواونفونلرده (طوشنچیل ، شاهین ، قرنال ، اوج قوشی ، سنقور ، چاقر) کبی آوجی ویرنجی قوشلردر . برخانک اونفونی اسملری یازدیغمز آوجی قوشلردن هانکیسی ایسه اوقوشی مذکور خانلقی تشکیل ایدن درت عشرت افرادی عندمه مبارک و مقدس اولوب آنکله تفال ایدیلور ، اینجیلر ، اکا اوق آلتز ، آولانمز واتی ده نمزدی . خانلر خانی یعنی خاقان اولان اوغوزنده اونفونی تفری قوشیدی . خانلرک اونفونی نصل زیر اداره لرنده کی درت عشرت افرادی طرفندن اونفون اتخاذ ایدلش ایسه اوغوز خانک معتقد اولدینی

(تغری) ده جمله خانلر و بتون عشیرت افرادی یتنده مقدس و مبارک صایلوب اوغوز قیله‌نك عمومی اونغونی اتخاذا یدلشیدی. بو سیله تغری قوشنی تمیل ایدن هر قنی بر شكك و یردیکی حکمی عمومك اجرا و انفاذ ایلمی مقتضای اعتقاد ایدی. ایسته بو تمیله‌ده مذکور قوشك اسمنه نسبتله (تغراغ) نامی و یریلیوردی. بو تفصیلاتی یازمقدن غایه، تغرینك قارتال قوشی اولدینی و رومالیرك قارتالیه هیچ بر مناسبتی بولمیدینی اثبات ایلمکدر.

تغری قارتال دکلدی؛ چونکه قارتال اوغوز قیله‌نك حاوی اولدینی آلتی خانلقدن آی خانك اونغونی اولدیغندن یالکزمذکور خانك اداره‌سده بولتان (یازر و دوکر و دودرغا و بارلی) عشیرتلی طرفندن قائل ایدیلیوردی. بو حالدده مرتبه‌سی تغریدن دون ایدی. و کذا تغری به هیچ بر زمان قارتال دنیله مزیدی؛ چونکه تغری (بر قوش ایمشکه بیک قوش اولدورر، انجق بریخی پیرایمش) [۱] یاخوده آوچیلر بمضاً قیرلرده بوزلرجه قوشك باشلری قویمش، آیاقلری قیرلش، قارینلری دشلمش بر حالدده کوردرلر مش، بو قوشلری تغری تلف ایدر مش اما شمدی به قدر هیچ بر کیمه بو (تغری) قوشنی کورما مشلر. یالکز ائرنندن استدلال ایدیورلر مش [۲].

بو حالدده عربلرده عتقا، عجملرده سیمرخ نصل اسمی وار جسی یوق برر قوش ایسه لر تورکلرده تغری اویله در. بو نوع قوشلرک اوچنجییدر. ایسته بو سیلره مبنی بزم تغریمز قارتال اوله من. چونکه قارتال اسمی کبی جسیده موجود و عامه نك معلومی بر قوشدر. تغری ایسه اساطیریدر، خیالیدر. تغرینك لهجه‌ده محرر اولدینی اوزر بر قارتال اولدینی و اوله میه جفی شوا یضاحاتله ثابت اولدقدن صکره مذکور تغرینك (نشان خاقانی) یعنی سلاطین عثمانیه جه علامت مخصوصه اتخاذا ایدیلوب ایدلمدیکنك تدقیقه نقل کلام ایدیلنجه:

[۱] دیوان لغات الترك، صحیفه ۴۰۰

[۲] رشیدالدین قلاؤدسون واندن ده ملی تنبلر مجموعه سی، صابی ۴، صحیفه ۴۰۴

اوغوز خاقان توقیعنه قیله‌سی افرادی (تغراغ) دیدکری یازلمش ایدی.

فقط شمسی بو توقیعک نه رسم و شکله اولدینی معلوم دکلدور. اوغوز خاقانک زمان حکومتی تاریخ عثمانی انجمنی طرفندن تحریر ایدیلان عثمانلی تاریخنده طقوزنجی عصر هجریدن قرق عصر اول [۱] و (تاریخ عالم) ده هجرت نبویه دن (۳۴۰۰) سنه مقدم فرض و تخمین ایدیلور [۲]. او زمانجه ترتیب ایدیله جک طفرانک هر حاله ابتدائی اشکالدن عبارت اوله جنی درکاردر. نصل که خاقان مشارالیهک وفاقی متعاقب قیله‌سنک حاوی اولدینی یکریمی درت عشرتدن بهری ایچون احداث اولنان تمغالرده بویله در. اولجه یازدیغمز وجهله ایچلرنده بر ذی روح و یا هندسی نقش کورولمز. اگر اوغوز خاقانک تغراغی بر قوش شکلنده بولنسه‌یدی یکریمی درت عشرت تمغاسندن برنده اولسون اویله ذی روح نقشی بولنمه‌سی اولادک اجدادی تقلید طبیعتک مقتضاسی ایدی. محمود کاشغری (۴۶۶) سنه هجریه‌سنده یازدینی لغتنامه‌یه (تغراغ) اسمی تحریر ایله بو کله حقنده (۱) غوزلرک توقیصیدر، بونک اصلی تورکلر ییلمدیکی کبی بنده اوکر نه مدم) دیمشدر [۳]. بو حاله مذکور سنه‌یه قدر اوغوز تورکلری بننده (تغراغ) دینور بر توقیعک موجودیتی آکلاشیلور. محمود کاشغری اوغوز عشارینک تمغالریخی ییلوردی، لغتنده بو اسکالی ده کوستر مشدر. فقط تغراغک نه شکلی رسم ایتمش، نه ده محتویاتندن بحث ایلشدر. مذکور لغتنامه‌نک ترتیب ایدلدیکی سنه ده سلجوقیلردن سلطان جلال‌الدین ملک‌شاه ایرانده حکمران ایدی. معلوم اولدینی اوزده بو حکمدار اوغوز قیله‌سنک (قیق) عشرتندندر. حکومتلریخ ده سائر اوغوز عشرتلرینک اعانه‌سیله تأسیس ایلشدر. بو صورتده کندی توقیعلری اوغوزلرک مذکور سنه‌یه قدر

[۱] عثمانلی تاریخی جلد ۱، صیفه ۹.

[۲] سلیمان پاشا - تاریخ عالم - جلد ۱، صیفه ۳۹۷.

[۳] (دیوان لغات الترک) ده تغراق کله‌سنه مراجعت.

محافظه ایلدکلی (تغراغ) اولسی ملیت مقتضاییدی . حالبوکه مزبور حکومتک سکلرینه تغراغی آکدیرر بر شکل و قیق عشیرته مخصوص تمغا قونلیوب بالعکس مؤخرآ تشکل ایدن روم سلجوقیلری مسکوکاته ایرانیلره مخصوص شیر و خورشید علامتی قونلیدی کوریلور. انلر ایرانی ضبط ایدنجه عادات محلیه به تابع اولوب فارسی لسانی لسان رسمی اتخاذ ایلدکلی مثللو قدیم تغراغلی رینه ایرانی برتوقع قبول ایدرک، فقط نامی (تغراغ) اسمک ایرانیلرک صورت تلفظه موافق اوله رق (طغرا) وضع ایلش اولدقلی مأمولدر .

بوصورتله سلجوقیلرک زمانه قدر معلوم اولان شکل تغراغ سلجوقیلردن صکره اوغوز قیلهدندن یکی حکومتلر تأسیس ایدن (قایی) عشیرتیه (دولت عثمانیه) بایندر عشیرتی (آق قیونلی حکومتی) خلقته مجهول قالش، عثمانیلر نشان دیدکلی شکلی، بایندر لیلرده قدیم عشیرتلی تمغاسی توقع اتخاذ ایلکه مضطر قالملردر [۱] . فقط خلق ینه بو توقیملری (طورا) نامیه یاد ایلکی اوتمامشردر . حاصلی عثمانیلره سلجوقیلردن طغراک لفظی قالب شکلی توارث و انتقال اتمامشدر .

اسمیه برابر شکلی ده نقل ایتیه دی حکومت عثمانیه نک بدایت تأسیدن اعتباراً استعمال ایدیلور و خداوندکار غازی عهدنده راغوزه ایلچینه طغراالی فرمان ویریلوردی . و کذا طغرامزک شکلی قدیم اوغوز خان تغراغه بکزمه ییدی دولت بایندریده بایندر عشیرتی تمغاسی رینه شکل مزبوری ویا اکا قریب بر شکلی قبول ایده جکی شهسز ایدی . چونکه انلرده اوغوز اولادی اولوب تغراغک شکلنده بر توقع احداثه حق و صلاحیتلری درکار ایدی .

بوتفصیلاتدن ده غایه، لهجه عثمانیده محرراولان اوغوز خانک تغراغی ده عثمانیلرجه نشان اتخاذ ایدلدیکی اکلا تمقدر . فی الحقیقه نشان خاقانی

[۱] تاریخ عثمانی انجمنی مجموعه سی جزء ۴۱ ، صیفه ۳۰۳ . مراجعت

اتحاد ایدلش اولسه‌یدی یه لهجه عثمانی محررینک فذلکه تاریخ عثمانی‌سندہ:
 و راغوزہ جمهوری سنوی و برکو تأدیہ‌سی مقالہ سبلہ عهدنامہ به نائل
 اولدی. خداوندکار غازی اول سندہ (قانون قدیم اوغوزیانه) رعایہ
 امضا یرینه پنجه‌سی آل بویاہ اوروب باصقلہ اکا تقلیداً ایجاد قلندی
 دیمزدی [۱]. ایته احمد مدحت افندی مرحومی یا کلتنان لهجه اولمشر.
 مرحوم مشارالیه وفق پاشا مرحومک تورکلکه فرط محبتلی اولدیغنی
 وبوسوزلی (وارسون بویله بیلسونلر) دیهرک عن قصد یازدقلرنی
 دوشتامشردر. وفق پاشا تاریخ عثمانینک شدی یازدیغیز قسمده
 خداوندکارک پنجه باصمه‌سی (قانون قدیم اوغوزیانه) اولمق اوزره
 توصیف بیوریورلر. حالوکه پاشای مشارالیه بویله باصمه‌ک جنکیزانه
 اولدیغنی بزندن دها اعلا ییلورلردی. طغرا اسمی عثمانیلره رفیق غیرمقارقی
 اولان (هایون) کله‌سیله برلکده کلشدر. بوکله (ها) ایله (یونی)
 اداشدن عبارتدر. (ها) برقوش اسیدرکه سایه‌سی کیمک باشی اوزرینه
 دوشرسه نائل شرف و اقبال اولورمش. اصلی (های) در [۲]. خلق
 لسانده دولت قوشی نامیله یاد ایدیلان (های) قدیم تورکجه‌ده (اومای)
 صورتنده اولوب اوغوز خاقانک زوجه‌سک اونغونی اولدیغنی ملی قنبلر
 مجموعه‌سک اوچ نومرولی نسخہ‌سندہ. اسکی تورککرده اجتماعی تشکیلات
 عنوانی مقاله مهمده کوشترلشدر. بوصورتده (طغرای هایون) ترکیبی
 اوغوز خاقان ایله زوجه‌سک اونغونی اسملرندن تشکیل ایدلش اولدیغنی اکلاشلور
 منشورلر بالاسه قونیان نشانه عربلر (توقیع) دیدکلرندن بوکله‌ده
 عثمانی لسان رسمینه نقل ایدلش و نشانجیلق رتبه‌سی احراز بیوران
 ذواته علم اولمشر [۳].

[۱] فذلکه تاریخ عثمانی - طبع حادی عشر - استانبول، صحیفه ۱۵

[۲] لغت ناجی - هایون وها کله‌لرینه مراجعت

[۳] لهجه عثمانی‌ده محررتوقی کله‌سندہ، توقیع نشان هایون یعنی طوغرا

بابان معناته نشانجی طوغرا کلرک رئیس سابقده دفترخاقانی ناظری

طغرا شکلی اذهان عمومیه ده ایکی شیه تشیه ایدلکده در. بونلردن
 بچه شکله بکزنمک ایستیانلر هاعمر تاریخی اوقویانلر و آنک کبی قدیم
 طغرامزک شکلی بیلیمانلردر. قوش شکله تشیه ایدلردر. احمد مدحت
 اقدینک مفصلی مطالعه ایدرک موهوم وخیل تفری قوشنک شکلی
 (طغرا) اسی کبی عثمانیلره انتقال ایلش زعمده بولانلردر. (۷۶۷)
 سنده احدات ایدلش اولان طغرامزک شکلی بچه و قوشه بکزه مدیکی
 کبی ستمز بوده دن مقدم اولان اسلامی توقیعلرنده هیچ برینه بکزه مز.
 طغرامزک صورت تشکی ایله شکل ابتدایی و اوغرا دینی قلباتی اولجه
 یازمش ایدک. بوکونکی شکل ظریف و انتظامی والد ماجد حضرت
 شهر یاری جتسکان سلطان عبدالجید خان حضرتلرینک شرفبخش
 سریر سلطنت بیورد قلیرینک بشجی سنده اجرا ایدلش اولان تجدید
 مسکوکات مناسبت حسیله اکتساب ایلشدر که ستمز بوده حسن خط
 عثمانینک مرتبه تکاملنی ارئه ایلر. طغرای هایونک شکلی کنده
 مخصوصدر. هیچ برزینت رسمیه و نقشه قبول ایتمز. اطرافنی جابجا کلر
 و چیچکلره ترین ایتمک ایستیانلر آنک زینت ساده کیسه عظمت
 مغنویه سی سلب و اخلاصدن بشفه برشی یاپامش اولور لر. طغرایه نظر
 ایدنلر آنده برمهات حس ایدر. براتلرده طغرانک زیرینه یازلش اولان
 شور سطر بازی آنک سبب حقیقیسی ارئه ایلر. ه نشان شریف عالیشان
 سامی مکان سلطانی و طغرای غرای کیتی ستان خاقانی حکمی اولدر که
 شمدی بو براتک مندرجانه حکم ایدن کیمدر؟ نشان شریف
 و طغرای غرا. چونکه طغرا (ذات حضرت پادشاهینک تمیلیدر) نشان
 شریفک حکمی بالذات پادشاهمنز اقدمز حضرتلرینک اراده سیه لریدر.

میرالای متقاعد

علی